



Inatsisartuni ilaasortaq
Sara Olsvig, Inuit Ataqaatigiit

Aasianni Qasigiannuanilu erngup nukinga pillugu § 37 naapertorlugu apeqquteqaammut akissutit

Asasara Sara Olsvig

Aasianni Qasigiannuanilu erngup nukinga pillugu apeqqutinnut qujanaq. Apeqqutitit
ataasiakkaarlugit matuma kinguliani akineqarput:

07-08-2015
Sags nr. 2015-3850
Akt. nr. 848763

Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail: paian@nanoq.gl
www.naalakkersuisut.gl

- 1. "Erngup nukinganik innaallagissiorfiliornissanut misissueqqaarnerit 2010 – 2014"-mi Naalakkersuisut allapput Qasigiannugit Aasiaat-Illu akornanni erngup nukinganik innaallagissiorfiliornissaq "maannakkuugallartoq aningaasaliiffigissallugu pilerinarpallaanngitsoq". Taamatut Naalakkersuisut suli isumaqarpat?**

Aap, suli Naalakkersuisut naliliinerat malillugu maannarpiaq Aasiaat Qasigiannuillu akornanni erngup nukinganik innaallagissiorfiliornissaq pilerinartinneqanngilaq.

Naalakkersuisut nalunaarusiaanni "*Erngup nukinganik innaallagissiorfiliornissanut misissueqqaarnerit 2010 – 2014*"-imi, 2015-imi upernaakkut ataatsimiinnermi agguanneqartumi allaaserineqartut misissueqqaarnerit takutippaat, Aasiaat Qasigiannuillu akornanni erngup nukinganik innaallagissiorfiliornermi sanaartornermut aningaasartuutissat amerlasussaasut, kiisalu tunitsivissat killeqartussaasut.

Naliliinermut tunngaviusut allannguuteqassappata suliaq nutaamik naliliiffigeqqinneqartussat qaqinneqarsinnaavoq. Assersuutigalugu uulia akitsorsimasinnaavoq imaluunniit tunisinissamut periarfissat allanngorsimasinnaapput. Maannarpiaq nutaamik naliliinissamut tunngaviliiffiusinnaasunik allanngortoqarsimannngitsoq naliliisoqarpoq.

- 2. Akissut aappiuppat, taava Naalakkersuisut qanoq pilersaaruteqarpat siunissaq eqqarsaatigalugu akikinnerusumik mingunnerusumillu piffinni taakkunani nukissiuutit qanoq pilersaaruteqarpat?**

Maannarpiaq sumiiffimmi nukissiamik pilersuinerup allanngortinneqarnissaanut aalajangersimasunik pilersaaruteqartoqanngilaq. Kalaallit Nunaanni tamarmiusumi inuiaqatigiit aningaasaqarnerannut angusaqarfiunerusumik avatangiisinillu mingutsitsinnginnerusumik qanoq iliorluni nukissamik pilersuisoqarsinnaanersoq Naalakkersuisut siunnerfigaat. Tamanna ilaatigut suliniutit aqutugalugit ingerlanneqarpoq:

- Nukissiorfiit seqernup qinggornerinik, anorip nukinganik battereeqarfinnillu, innaallagissiorfinnut dieselitortunut pioreersunut tapertaasinnaasunik kattussilluni, taamaalillunilu sumiiffinni erngup nukinganik pilersuiffiunngitsuni avatangiisinut silallu pissusaanut mingutsitsinnerusut atorlugit pilersuinnermut tapertaasinnaasunik misileraanermik ingerlatsinissamik suliaqarput.
- Naalackersuisut suliniummik, illoqarfinnut minnerusunut nunaqarfinnullu qanittuni erngup nukinganik isumalluuteqarfiusunik, innaallagissamik pilersuinnermut atortunut dieselitortunut tapertaasinnaasunik paasiniaaffiusumik suliaqarput. Pilersaarut Asiaq-p Nukissiorfiit suleqatigalugit suliaraa.
- Aamma Nukissiorfiit Tasiilami erngup nukinganik innaallagissiorfiup kiisalu Qorlortorsuarmi erngup nukinganik innaallagissiorfiup, Narsamut Qaqortumullu pilersuisuusup allineqarnissaannik suliaqarput. Taakkunani marluusuni suliat inuiaqatigiit aningaasaqarnerannut iluanaarutaasussat, nukissiamik avatangiisinut silallu pissusaanut mingutsitsinnginnerusumik pilersuinissamut iluaqutaasussat pineqarsimanissaat naatsorsuutigineqarpoq.

3. Naalackersuisut allapputtaaq "iliuusissaq tulleeq tassaassasoq inuiaqatigiinnut aningaasaqarnikkullu kingunissaat pillugu nalilersuisoqartariaqartoq, taamaalilluni qanoq ilinikkut imminut qanoq akilersinnaatiginersoq qulaajarneqassammat?

Naamik, Qasigiannugit Aasiaallu akornanni erngup nukinganik suliaqarnerup inuiaqatigiit aningaasaqarnerannut sunniutissanik misissueqqissaarnissamik maannarpiaq pilersaaruteqartoqanngilaq.

Inussiarnersumik inuulluaqqusillunga

Mala Høy Kúko